

◎梵網菩薩戒略說

華藏教學園區  
一  
一  
二  
年  
三  
月  
三  
十  
一  
日

將述此義，大分為五：

- 壹、題前概說
- 貳、起大乘信心
- 參、示所應學
- 肆、得三圓滿
- 伍、隨文釋義

今初。

二死大海，戒為舟楫。欲受戒品，尤以發菩提心為本。蓋菩提心，正出世戒體。大小律儀，則菩提心之相也。

發出生死心，降伏愛見，是聲聞戒體。

發上求下化心，自調調他，是大乘戒體。

發生佛體同平等普度心，是最上乘戒體。

既發心已，專精護戒，微細無虧，即三乘正行也。

持戒不發心，止得世間樂果。發心不持戒，難免三塗苦輪。  
故須本末兼舉，始終一致，方能保任解脫，名波羅提木叉。  
不然，有目無足，有足無目，何能速到清涼池哉！

——《靈峰宗論》——

## 貳、起大乘信心

《梵網經菩薩戒》三十四：「常生大乘善信，自知我是未成之佛，諸佛是已成之佛。發菩

提心，念念不去心。」

若無正信，則戒止散善而已。

今知生佛本無二心，眾生定當作佛。特已成未成為別，實先佛後佛何殊。

雖有正信，而不發心，則信為徒信而已。

今知我心即諸佛心，故上求諸佛無上菩提；我心即眾生心，故下化眾生同成正覺。

剎那心中不捨此念，曰念念不去心也。

——《發隱》——

參、示所應學

《瑜伽師地論》卷四二：如是如上所說一切自性戒等九種尸羅，當知三種淨戒所攝，謂律儀戒、攝善法戒、饒益有情戒。

如是三種菩薩淨戒，以要言之，能為菩薩三所作事，謂律儀戒能安住其心，攝善法戒能成熟自佛法，饒益有情戒能成熟有情。

如是總攝一切菩薩所應作事，所謂欲令現法樂住安住其心，身心無倦，成熟佛法，成熟有情。

如是菩薩唯有爾所菩薩淨戒，唯有爾所淨戒勝利，唯有爾所淨戒所作；除此無有若過若增。過去菩薩求大菩提，已於中學；未來菩薩求大菩提，當於中學；普於十方無邊無際諸世界中，現在菩薩求大菩提，今於中學。

肆、得三圓滿

《瑜伽師地論》卷四一：如是菩薩依止一切自毘奈耶，勤學所學，便得成就三種圓

滿，安樂而住。一者成就加行圓滿。二者成就意樂圓滿。三者成就宿因圓滿。

云何名為加行圓滿？謂諸菩薩，於淨戒中行無缺犯，於身語意清淨現行，不數毀犯，發露自惡；如是名為加行圓滿。

云何名為意樂圓滿？謂諸菩薩，為法出家，不為活命。求大菩提，非為不求。為求沙門，為求涅槃，非為不求。如是求者，不住懈怠下劣精進。不雜眾多惡不善法，雜染後有，有諸熾然眾苦異熟，當來所有生老病死；如是名為意樂圓滿。

云何名為宿因圓滿？謂諸菩薩，昔餘生中修福修善，故於今世種種衣服、飲食、臥具、病緣醫藥、資身什物，自無匱乏。復能於他廣行惠施。如是名為宿因圓滿。

菩薩如是依毘奈耶勤學所學，成就如是三種圓滿，安樂而住；與此相違，當知成就三種衰損，危苦而住。